



Sámi allaskuvla

Sámi University of Applied Sciences

Sámi allaskuvlla válganjuolggadusat

Dohkkehuvvon Sámi allaskuvlla stivrras 08.12.22, ášši S- 41/22.

Njuolggadusat leat mearriduvvon láhkavuoddu vuodul

Lov om universiteter og høyskoler, LOV-2005-04-01-15 (*U/A-láhka*)

ja

likestillings- og diskrimineringsloven, LOV-2017-06-16-51
(*dásseárvoláhka*)

Sisdoallolistu

KAP 1 Doaibmaguovlu ja doabageavaheapmi.....	2
§ 1 Njuolggadusaid doaibmaguovlu.....	2
§ 2 Doabageavaheapmi ja definišuvnnat	2
KAP 2 Stivra ja stivrra doaibmanáigodat	2
§ 3 Stivra ja stivrra sturrodat	2
§ 4 Doaibmanáigodat.....	3
KAP 3 Válgastivra.....	3
§ 5 Válgastivra	3
KAP 4 Válgabiiret, jienastanvuoigatvuohta ja válgadohkálašvuohta	3
§ 6 Válgabiiret.....	3
§ 7 Jienastanvuoigatvuohta ja evttohanvuoigatvuohta.....	4
§ 8 Válgadohkálašvuohta – oppalaš ráddjen.....	4
§ 9 Válgadohkálašvuohta rektoriin ja prorektoriin.....	4
§ 10 Válgadohkálašvuohta bargiid áirrasin	4
§ 11 Válgadohkálašvuohta studeantaid áirrasin.....	4
§ 12 Bargiid geatnegasvuohta vuostáiváldit válgga	5
§ 13 Studeantaid geatnegasvuohta doaibmat ámmáhis	5
KAP 5 Válggaid čađaheapmi	5
§ 14 Válgáigodaga ja áigemeiid almmuheapmi.....	5
§ 15 Jienastuslohku ja listu geat leat válgadohkálaččat.....	5
§ 16 Nominašuvdnaproseassa	5
§ 17 Lassinjuolggadusat rektora ja prorektora válljema oktavuodas. UH-lága § 10-2 vuodul, válljejuvvon rektor. 6	
§ 18 Válgavuohki	7
§ 19 Ovdagihtii jienasteapmi	7
§ 20 Válgamálle	7
§ 21 Jienaid lohkan	7
§ 22 Jienaid árvvoštallan ja sohkabeale balánsa	7
§ 23 Válgaprotokolla.....	7
KAP 6 Eará njuolggadusat	8
§ 24 Váidda.....	8
§ 25 Luohpan válgáigodagas. Lasihanválga	8
§ 26 Ollislaš njuolggadusat.....	8
§ 27 Fápmui bidjan	8

KAP 1 Doaibmaguovlu ja doabageavaheapmi

§ 1 Njuolggadusaid doaibmaguovlu

Njuolggadusat gustojit čuovvovaš válgas Sámi allaskuvllas:

- Válljet bargiid- ja studeantaáirasiid ja várrelahtuid allaskuvlastivrii
- Válljet rektora ja prorektora
- Válljet áirasiid lávdegottiide main eai leat sierra njuoggadusat nammadeapmái ja válggaide.

§ 2 Doabageavaheapmi ja definišuvnnat

1) *Válgabeaivi*: Válgga dáhton. Jus váлга bistá guhkit go ovtta beaivi, de oaivvilduvvo dat beaivi go váлга álgá.

4) *Elektrovnnalašváлга*: Njuolggováлга mii čađahuvvo elektrovnnalaš veahkkeneavvuiguin.

5) *Eanetloguváлга*: Váлга, mas juohke jienasteaddji jienasta eanemusat dan logu go leat kandidáhta válggas, iige maŋŋálastá/sirre kandidáhtaid gaskkas.

Dat kandidáhtta, gii oažžu eanemus jienaid, šaddá vuosttaš válljejuvvon áirras, sus geas leat nubbin eanemus jienat, šaddá nubbi válljejuvvon áirras jna. Eai leat persovnnalaš várrelahtut ja válljejuvvojit seamma ládje go dábálaš áirasat. Son gii oažžu eanemus jienaid, maŋŋil go maŋemus dábálaš áirras lea válljejuvvon, šaddá vuosttaš várrelahtun., nubbi várrelahtun šaddá son geas leat nubbin eanemus jienat, maŋŋil go maŋemus dábálaš áirras lea válljejuvvon jna.

KAP 2 Allaskuvllastivra čohkkehus ja doaibmanáigodat, UA-lága §9-4

§ 3 Stivra ja stivrra sturrodat

1) Stivrras leat 11 áirasa:

- Rektora leat bargit ja studeanttat válljen
- Prorektora leat bargit ja studeanttat válljen
- Fágalašbargiid gaskkas válljejit ieža guokte áirasa
- Teknihkalaš- ja hálldahusbargiid gaskkas válljejit ieža ovtta áirasa
- Studeanttat válljejit guokte áirasa studeanttaid gaskkas
- Guokte olggobeale áirasa nammaduvvojit Máhttodepartemeanttas UA-lága §9-4 (6) vuodul
- Guokte olggobeale áirasa ja okta várrelahttu nammaduvvojit Norgga Sámedikkis UA-lága §9-4 (6) vuodul

2) Várrelahtut

Várrelahtun válljejuvvojit fágalašbargiid gaskkas guokte . Teknihkalaš- ja hálldahusbargiid gaskkas guokte ja studeanttaide gaskkas guokte várrelahtu. Olggobeale áirasiidda nammada departemeantta golbma várrelahtu ja Sámediggi ovttat.

3) Rektor lea stivrajođiheaddji, gč U/A-lága § 10-2 Jus rektor ii leat čoahkkimis, de doaibmá prorektor stivrajođiheaddjin. Jus eará stivramiellahtut diedihit ahte eai boađe čoahkkimii, de gohččot várrelahtuid iešguđege joavkkus.

§ 4 Doaibmanáigodat

- 1) Doaibmanáigodat rektorii, prorektorii ja eará stivramiellahtuide, geat válljejuvvojit bargiid gaskkas, lea njeallje jagi, gč U/A-lága §§ 10-2 (2) ja 9-4 (1). Doaibmaáigodat álga borgemánu 1. beaivvi jus eará ii mearriduvvo.
- 2) Jus válljejuvvo sierra stivralahttu gaskaboddosaš fágalašbargiid gaskkas, de válljejuvvo dat ovtta jahkái, gč § 6 ja U/A-lága § 9-4 (2). Sin doaibmanáigodat álgá dan beaivvi rájis go leat válljejuvvon.
- 3) Studeanttaid stivralahtut válljejuvvojit ovtta jahkái, gč U/A-lága § 9-4 (3). Sin doaibmanáigodat álgá dan beaivvi rájis go leat válljejuvvon.
- 4) Várrelahtuid doaibmanáigodat lea seamma guhká go dábálaš áirasiid, geaid ovddas doibmet stivrras.

KAP 3 Válgastivra

§ 5 Válgastivra

- 1) *Mandáhta ja čohkkehus*. Allaskuvllas galgá leat válgastivra, mii galgá ráhkkanit ja hálddašit válggaid, gustojeaddji njuolggadusaid mielde. Válgastivrras leat allaskuvladirektevra, bargiin áirras ja studeanttain áirras. Allaskuvladirektevra lea válgastivrra jođiheaddji.
- 2) *Nammadeapmi*. Allaskuvlastivra nammada dan guokte áirasa, maid bargiid fágasearvvit ja studeantastivra leat árvalan. Goappáge árvalusas galget leat unnimus guokte nama, main sohka beali leat vuhtiiváldán. Goappaš áirasiidda galgá nammaduvvot várrelahttu.
- 3) *Doaibmanáigodat*. Válgastivrra doaibmanáigodat lea njeallje jagi. Seamma jagi go allaskuvlastivra lea válljejuvvon, nammada allaskuvlastivra ođđa válgastivrra. Válgastivrra doaibmanáigodat álgá ođđajagimánu 1. beaivvi dan boahttevaš jagi.
- 4) *Luohpan*. Jus okta válgastivrraáirasiin árvaluvvo allaskuvlastivrra áirasiin, de galgá son luohpat válgastivrras, ja várrelahttu galgá boahtit sadjái. Ođđa várrelahttu de nammaduvvo allaskuvlastivrras.
- 5) *Mearrádusat*. Válgastivrras lea mearridanváldi, go guovttis áirasiin oassálastiba čoahkkimis. Mearrádusat dahkkojit go lea eanetlohku. Go jienat leat dássálaga, de lea jođiheaddji jietna mii mearrida. Válgastivrra áirras sáhtttá váidit válgastivrra mearrádusaid allaskuvlastivrii. Váidda ferte addot čálalaččat maŋemusat beaivvi maŋnil válgastivračoahkkima.

KAP 4 Válgabiiret, jienastanvuoigatvuohta ja válgadohkálašvuohta

§ 6 Válgabiiret

- 1) Go rektora ja prorektora válljejit, de lohko juohke jienasteaddji oktan válgabiiren.
- 2) Go eará áirasiid válljejit, de leat válgabiiret čuovvovaččat:
 - *Fágalaš bargit*. Dáinna oaivildit bargit oahpahuš- ja dutkanvirggiin Sámi allaskuvllas, gč Stáhtabargiid giehtagirjjiis - bálkáplánat (*Statens personalhåndbok – lønnsplaner*)
 - Jus fágalašbargiid gaskaboddosaš virggiin leat eambbo go 25 proseanta fágalaš bargiin go jienastuslogu almmuheami áigemearri dievvá, de leat dát joavku sierra válgabiire. Sii galget fágalaš bargiin válljet nuppi dan guovtti stivralahtus ja várrelahtus

- *Teknikkalaš ja hálldahusbargit*
- *Studeanttat*

Definišuvdnii, guđe válgabiirii okta persovdna gullá, mearriduvvo virgáibidjanoktavuođas válgabeaivvi. Jus leažžá eahpádus guđe válgabiire okta persovdna gullá, de válgastivra mearrida dan.

§ 7 Jienastanvuoigatvuohta ja evttohanvuoigatvuohta

- 1) Bargiin, geain lea unnimus 50 % fásta dahje gaskaboddosaš virgi, lea jienastanvuoigatvuohta. Bargit, geain lea virgelohpi báلكká haga, ii leat jienastanvuoigatvuohta.
- 2) Registrerejuvvon studeanttain, geat leat máksán lohkanbádjedivvaga, dan lohkanbádjái go válga čađahuvvo, lea jienastanvuoigatvuohta.
- 3) Bargis, geas lea jienastanvuoigatvuohta, ii sáhte seammás leat jienastanvuoigatvuohta studeantan.
- 4) Sus geas lea jienastanvuoigatvuohta lea maid evttohanvuoigatvuohta.

§ 8 Válgadohkálašvuohta – oppalaš ráddjen

Ii oktage sáhte ođđasit válljejuvvot rektoriin, prorektoriin dahje stivramiellahttun, jus son šattašii doaibman oktiibuot gávccii jagi doaimmas, go ođđa váлгаáigodat álgá, gč U/A-lága §§ 9-4 (8) ja 10-2 (2).

§ 9 Válgadohkálašvuohta rektoriin ja prorektoriin

- 1) Sihke bargit ja olggobeale kandidáhtat leat válgadohkálaččat rektoriin, gč U/A-lága § 10-2.

Rektorkandidáhtat galget máhttit sámegiela njálmmálaččat ja čálalaččat, ja sáhttit duođaštit gelbbolašvuođa unnimusat masteroahppodásis ja galgá leat jođiheaddjegelbbolašvuohta nugo hájáneapmi stivrabargguin dahje stivraguoskevaš bargguin.

- 2) Fágalaš bargit, unnimusat 50 % virggis, leat válgadohkálaččat prorektoriin. Dán ámmáhii vurdojuvvon njálmmálaš ja čálalaš sámegiel máhttu.

§ 10 Válgadohkálašvuohta bargiid áirrasin

Bargit, geain lea jienastanvuoigatvuohta, leat válgadohkálaččat iežaset válgabires.

Čuovvovaš bargit eai leat liikká válgadohkálaččat:

- Allaskuvladirektevra
- Gaskajođiheaddjit, geain lea allaskuvladirektevra lagamus hoavdan
- Vuodđoovttadagaid jođiheaddjit (goahtejođiheaddjit/Instituttedere)

§ 11 Válgadohkálašvuohta studeantaid áirrasin

Registrerejuvvon studeanttat geat leat máksán lohkanbádjedivvaga dan lohkanbádjái goas válga čađahuvvo, ja geat ain galget studeret allaskuvllas dan doaibmaáigodaga, leat válgadohkálaččat.

§ 12 Bargiid geatnegasvuohta vuostáiváldit válgga

- 1) Bargis, gii válljejuvvo ámmáhii, U/A-lága § 9-5, vuodul, lea geatnegasvuohta vuostáiváldit doaimma nu guhká go son lea válgadohkálaš ámmáhii, gč dán mearrádusa §§ 8, 9 og 10.
- 2) Sus, geas juo lea leamaš ámmát, lea riekti beassat eret válggas dán seamma ámmáhii, seamma guhká go ieš lea doaibman doaimmas. Várrelahttu, gii lea oassalastan unnimusat beali stivračoahkkimiin váлгаáigodagas sáhtá gáibidit beassat stivramiellahtuválggas boahhte áigodagas.
- 3) Son, gii ii sáhte hoidet iežas doaimmaid ovttá ámmáhis váttisvuodaid haga dahje noadi dihte, sáhtá ohcat beassat eret válggas dahje joatkimis doaibmat ámmáhis.

§ 13 Studeanttaid geatnegasvuohta doaibmat ámmáhis

Studeanttas, gii vuostáiváldá válgga, lea geatnegasvuohta doaibmat ámmáhis olles dan áigodaga go son lea válgadohkálaš, gč njuolggadusa § 11 ja U/A-lága § 9-4 (4).

Unnimus 20% lahtuiguin buot kollegiála orgánain main lea mearridanváldi galget leat studeanttat U/A-lága § 4-4 vuodul.

KAP 5 Válggaid čađaheapmi

Válljet bargiid ja studeanttaid lahtuid ja várrelahtuid allaskuvlastivrii ja eará stivrraide, ráđiide ja lándegottiide.

§ 14 Váлгаáigodaga ja áigemeiid almmuheapmi

- 1) Buot válggat čađahuvvojit dábálaččat giđđalohkanbájis, muhto maŋemusat ovdal golggothmánu 10. beaivvi.
- 2) Válgastivra mearrida válgabeaivvi ja áigemeari man rádjái sáhtá árvalit kandidáhtaid.
- 3) Válgabeaivi almmuhuvvo unnimus njeallje vahkku ovdal. Almmuhusas čielggaduvvojit nominašuvdnanjuolggadusat ja movt čađahit válggaid.

§ 15 Jienastuslohku ja listu geat leat válgadohkálaččat

- 1) Allaskuvladirektevra dahje son, gean direktvra nammada iežas sadjái, ovddida jienastuslogu.
- 2) Jienasteddjiid jienastuslohku ja listu, geat leat válgadohkálaččat iešguđege ámmáhii, galget almmuhuvvot unnimus golbma vahkku ovdal válgabeaivvi.

§ 16 Nominašuvdnaproseassa

Válgastivra álggaha nominašuvdnaproseassa.

- 1) Rektor ja prorektor válggaide válljejuvvo nominašuvdna lándegoddi mas leat mielde bargit ja studeanttat. Bargit válljejit guokte fágabargi ja ovttá hálldahus- ja tehnikkalaš bargi. Studeanttat válljejit guokte lahtu. Nominašuvdnalándegotti bargu lea gávdnat heivvolaš rektorkandidáhtaid ja sihkkarastit rabas proseassa gitta válggaide.
- 2) Go bargiidáirasiid galgá válljet allaskuvlastivrii, de gohčču válgastivra sierra čoahkkimiidda fágalaš-, tehnikkalaš- ja hálldahusbargiid, gos juohke joavku vállje guokte luohtámušolbmá válgii. Sii galget doaimmahit vai kandidáhtta árvalusat bohtet válgastivrii unnimusat guokte vahkku ovdal válgga.
- 3) Studeantaáirasiid válljemii galgá válgastivra bearráigeahččat vai studeantastivra organisere studeanta nominašuvdna proseassa, dainna lágiin mii sihkkarastá ahte kandidáhtta árvalusat bohtet válgastivrii unnimus guokte vahkku ovdal válgga.
- 4) Nominašuvdnaproseassas ferte vuhtii váldit dásseárvolága §28 gáibádusa, mas sohkaabeale balánssa galgá doalahit iešguđege válgabires:

- 5) Stivramiellahttu árvalusat galget čálalaččat addot válgastivrii, ja unnimusat okta jienasteaddji galgá vuolláičállán.
- 6) Go áigemearri árvalusaid buktit lea nohkan, de almmuha válgastivra buot árvaluvvon kandidáhtaid fárrolaga.

§ 17 *Rektora ja prorektora válljema čađaheapmi:*

- 1) Rektor ja prorektor válljejuvvoba giđđalohkanbajis, áinnas cuorománus dahje miessemánus. Válljen čađahuvvo ovdal bargiidáirasiidválljema allaskuvlastivrii.
- 2) Rektor ja prorektor válga sáhtta čađahuvvot oktanaga, gos bargit ja studeanttat stemmejit rektorteama.
- 3) Rektor/prorektor árvalusat galget čálalaččat addot válgastivrii, ja unnimusat guokte jienasteaddji galget vuolláičállán.
- 4) Árvalusas sáhtta leat sihke rektor ja prorektor kandidáhtta. Nominerejuvvon kandidáhtat galget miehtat váлгаevttohussan, gč § 12 dän njuolggadusas.
- 5) Olggobeale rektorkandidáhta árvalussii galgá dasa lassin mielddusin biddjot čálalaš miehtan, sus gii lea árvaluvvon, oktan su CVain ja duođastusaiguin. Miehtan ii sáhte gessot ruovttoluotta, gč U/A-lága § 9-5.
- 6) Rektor- ja prorektorkandidáhtat galget ráhkadit válgaprográmma.
- 7) Jus rektora dahje prorektora nominašuvnnas ii leat boahtán eará go okta árvalus ámmáhii, ja jus válgastivra veardida árvaluvvon kandidáhta dohkálažžan § 9 vuodul, de čađahuvvo válga dego livččii eanet kandidáhtat ámmáhii.
- 8) Árvalus lea dohkkehuvvon jus olaha eanetlogu válggas, gč § 22 – 1 dän njuolggadusain. Jus ii oaččo eanetlogu, ovddiduvvo válgaboađus allaskuvlastivrii. Allaskuvlastivra sáhtta mearridit ahte ođđa válga galgá čađahuvvot.
- 9) Jienaid vihkken rektor ja prorektorválggain lea na:

 Bargit 75%
 Studeanttat 25%
- 10) Jus evttohusat rektorii ja prorektorii lea addon teaman, de lea dat teama mii oažžu eanemus jienaid válljejuvvon ámmáhii.
- 11) Jus rektor ja prorektor evttohusat leat addon sierra, de leat kandidáhtat geat ožžot eanemus jienaid válljejuvvon ámmáhii.
- 12) Jus kandidáhtat ja/dahje teamat ožžot seamma olu jienaid, de čađahuvvo ođđa válga. Jus nuppi válgavuorus fas ožžot kandidáhtat/teamat ovttá mađe jienaid, de ovddiduvvo válgaboađus allaskuvlastivrii árvoštallamii. Allaskuvlastivra sáhtta mearridit ahte ođđa válga galgá čađahuvvot. Allaskuvlastivrras dáhkkovit mearrádusat jienasteami bokte, dábalaš eanetlohku.
- 13) Válgastivra galgá formálalaččat čállit válgabohtosiid beavdegirjái ja almmuhit dan. gč § 23.

§ 18 Válgavuohki

Buot válggat čađahuvvojit dábálaččat elektrovnnalaččat, muhto válgastivra sáhhtá mearridit ahte váлга čađahuvvo eará heivvolaš válgavugiin.

§ 19 Válgamálle

- 1) Buot válggat galget leat eanetloguválga, gč § 2.
- 2) Go galgá válljejuvvot okta dahje mánge kandidáhtta seamma válgabires, de lea dat kandidáhtta gii lea eanemus jienaid ožžon válljejuvvon árrasin. Várrelahtut válljejuvvot jietnalogu ektui
- 3) Jus válggain lea jienaid lohku dássálaga ja dát ii mearriduvvo lága dahje eará njuolggadusaid bokte, de dahkko mearrádus válgastivrras vuoru geassima bokte.

§ 20 Jienaid lohkan

Válgastivra lohka jienaid ja árvvoštallá daid jus dárbbaslaš. Allaskuvladirektevra dahje su sadjásaš jođiha jienaid lohka.

§ 21 Jienaid árvvoštallan ja sohka beale balánsa

- 1) Allaskuvlastivrras galgá leat unnimusat 40 % ovddasteapmi goappaš sohka bealis, gč U/A-lága § 9-4 ja dásseárvoláhka § 28;
- 2) Eará stivrrain, ráđiin ja lávdegottiin galgá goappašat sohka bealit leat mielde dáinna lágiin:
 - a) Jus lávdegottis leat guokte dahje golbma miellahtu, de galgá goappaš sohka bealit leat mielde.
 - b) Jus lávdegottis leat njeallje dahje vihtta miellahtu, de galgá goappáge sohka bealli leat mielde unnimus guvttiin lahtuin.
 - c) Jus lávdegottis leat gaskkal guhtta ja gávccii miellahtu, de galgá goappáge sohka bealli leat mielde unnimus golmmaid lahtuin.
 - d) Jus lávdegottis leat ohcci miellahtu, de galgá goappáge sohka bealli leat mielde unnimus njeljiin lahtuin.
 - e) Jus lávdegottis leat eanet miellahtut, de galgá goappáge sohka bealli leat mielde unnimus 40%.

Dat guoskka maiddái go nammada ja vállje várrelahtuid.

- 3) Jus jienaid lohkan čájeha, ahte nuppi sohka beallái šaddet unnit áirasat go 2.čuoggas, de manná dan sohka bealis árras mii lea jienastuvvon, ovdalii, dassá go sohka bealit šaddet dássálaga. Lea válgastivra mii čađaha dan.

§ 22 Válgaprotokolla

- 1) Beavdegirji galgá čállot válggas ja jienaid lohkamis. Beavdegirji galget válgastivrra miellahtut vuolláičállit/dohkkehit elektrovnnalaččat.
- 2) Allaskuvladirektevra almmuha válgabohtosiid dakkaviđe go válgabođus lea loahpahuvvon ja beavdegirji lea vuolláičállon.
- 3) Válgga jienastuvvon jienastanlihpuid galgá vurket boahhte válgga rádjai.

KAP 6 Eará njuolggadusat

§ 23 Váidda

- 1) Son, geas lea jienastanvuoigatvuohta válggas, sáhtá váidit formálalaš boasttuvuođaid.
- 2) Son, geas lea dán njuolggadusa mielde jienastanvuoigatvuohta, muhto ii leat mielde jienastuslogus, sáhtá váidit dan. Áigemearri váidit jienastuslogu lea guokte váhkku ovdal válgga. Váidda meannuduvvo ja mearriduvvo válgastivrras. Váidda ferte leat čálalaš.
- 3) Válgabohtosa váidda ferte boahit čálalaččat válgastivrii mañemusat vahkku mañnil, go válgaboađus lea almmuhuvvon. Válgastivra sáhtá mearridit galgá go ođđasit lohkat jienaid dehe ođđa válgaboađus.
- 4) Jus válgastivra ii oainne dárbbu vuhtiiváldit váidaga, de galgá dat dakkaviđe biddjot allaskuvlastivrii mearridit.
- 5) Jus válga šaddá nuppes čađahuvvot, de leat sii guđet leat válljejuvvon, lobálaččat válljejuvvon, dassázii go ođđa válga čađahuvvo.

§ 24 Luohpan váлгаáigodagas. Lasihanválga

- 1) Son, geas lea luohpteavašvuođaámmát, galgá luohpat go válgadohkálašvuohta nohká, gč U/A-lága § 9-5 (2).
- 2) Son, guhte heaitá iežas virggis dahje heaitá studeantan, luohpá stivrras ja su sadjái boahatá várrelahttu dakkaviđe go son heaitá. Bargiidáirasat, geat ožžot virgelobi báikká haga, heitet stivrras, dan botta go lea virgelohpi. Várrelahtut šaddet de fásta áirrasin virgelobi áigodaga.
- 3) Jus rektor heaitá ovdal go doaibmanáigodat nohká, de galgá ođđa rektor válljejuvvot. Jus rektor ii sáhte boahit čoaččkimii dahje heaitá mañemus jagi doaibmanáigodagas, de váldá prorektor ámmáha badjelasas, gč U/A-lága § 10-4
- 4) Jus prorektor ii sáhte boahit čoaččkimii dahje luohpá ámmáhis mañemus jagis doaibmanáigodagas, nammada rektor sadjásaš prorektora bargiid gaskkas, geat leat oahppo- ja dutkanvirggiin. Jus prorektor luohpá dan mañemus jagis doaibmanáigodagas, de galgá ođđa prorektor válljejuvvot.

§ 25 Ollislaš njuolggadusat

- 1) Stivra sáhtá addit lagabui čilgehusa dán njuolggadusa čađaheami birra.
- 2) Válganjuolggadusat galget árvvoštallot ja ođasmahttot unnimusat okte guovtti váldoválgaáigodagas (rektor/prorektorválga)

§ 26 Fápmui bidjan

- Dát njuolggadus biddjo fápmui 8.12.2022. Seammás heaittihuvvo válganjuolggadus 13.12.2018,